

# चोला माटी के हे राम एकर का भरोसा चोला माटी के हे

चोला माटी के हे राम  
एकर का भरोसा,  
चोला माटी के हे रे

द्रोणा जइसे गुरू चले गये  
करन जइसे दानी संगी,  
बाली जइसे बीर चले गये,  
रावन कस अभिमानी  
चोला माटी के हे राम  
एकर का भरोसा,

कोनो रिहिस ना कोनो रहय भई  
एक दिन आही सब के पारी  
काल कोनो ल छोंड़े नहीं  
राजा रंक भिखारी  
चोला माटी के हे राम  
एकर का भरोसा,

भव से पार लगे बर हे ते  
हरि के नाम सुमर ले संगी  
ए दुनिया में आके रे पगला  
जीवन मुक्ती कर ले  
चोला माटी के हे राम

एकर का भरोसा,  
चोला माटी के हे राम एकर का भरोसा,